

مطبعه و محل اداره :

جفال اوغلنده امنیت
سندوغی جوارنده
شکول یقوشنده
۲۷ نوامبر

مستطابق

مسلك. زمه موافق آثار

جدیده مع المنونبه
قبول اولنور

درج ایدله بن آثار اعاده اولناز

دیه ، فلسفه ، علوم ، حقوق ، ادبیات تاریخ ، سیاست و بالخاصه احوال و شئون اسلامیه بحث ایدر و هفته ده بر نشر اولنور .

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

در سعادتده نسخه سی ۵۰ باره در

قبرله دن مقوا بورو ايله کوندریلیرسه سنوی
۲۰ غروش فضله آلنیر

آبونه بدلی

سنه لکی

عالمک عثمانیه ایچون	۶۵	۳۵	غروش
روسیه	۶۵	۳۵	روبله
سائر عالمک اجنبیه	۱۷	۹	فرائق

۱۰ تموز ۱۳۲۴

عدد : ۱۶۸

۱ ذی الحجة الشریفه ۱۳۲۹ پنجشنبه ۱۰ تشرین ثانی ۱۳۲۷

یدنجی جلد

عثمانلی مسلمانلره آچیق کتوب

المانیاده عثمانلی تبعات قومیسیتی رهبری و استوتورد شهرنده منتشر
«نقار غزته ی» قورارنست یه ک طرفندن یازیلوب اداره خانه منه
کوندرلهدر :

طرابلس غرب محاربه سی حقنده المانیاده افکار عمومیه نك نه
مرکزده بولندیغنی لطفاً ارسال بیوریان مکتوبلری کزده بندن سوال
ایتمش ایدیکیز . بوکا جواب اوله رق یالکیز بر جفت سوز ايله سنزه
دیه بیلورم که : همان عمومیتله عثمانلیلر لهنده در . ابتدای محاربه ده
فکرلر بیقرار ایکن ، یکدیگریمزدن (عجبا عثمانلیلر بویه مهلك حالدن
تخلیص کریبان ایتمک ایچون نه کی بر تشبیه بولنه بیله چکلردر . عجبا
شو دقیقه نك کندیلری ایچون نه معنا احتوا ایتدیکنی تقدیر ايله حیات
ایچون اولومی کوزه آلدیرمق لازمکدیکنی در خاطر ایدیورلرمی ؟)
دیه استفسار ایدرکن ، پک کچ ، لکن پکده آچیق بر صورتده نهایت
(هر شی ، حتی حیاتی بیله ناموس و شان و شهرتی ایچون ترک ایتمن
برملت هیچ برشیته مستحق دکلدن .) جواب قطعیمی کلدی . ایشته
بونک اوزرینه کوندن کونه و غلبه دن غایبه شهرت و شان کز جهانه نك
قلبی متزاید استیلا ایتمک باشلادی .

اگر بو کون صلیب احمرک یاننده بو قانلی محاربه نك او شجیع
قربانلری ایچون بوراده برده هلال احمر جمیتی تشکیل ایتمک آرزو
اولنسه معاونه مهیا پک چوق کیشیلرک شتابان اوله جقلری شهیدن
وارسته در .

پسار قک « ترکلر شرقک جنتلمنیدر » سوزینی کنج ترکلرک

انقلابی تصدیق و اثبات ایلدی ایسه ده ، تاریخ ايله مثبت و کندیسنه
مخصوص بر عظمتله منفرداً کوز اوکنده طوران بویه بر حقیقته
کال حیرته شهادت ایتمک والسفا هنوز ایچمزده پک آز کیمسه لره نائل
اولمشدر .

هر نه قدر عثمانلی تبعات قومیسیتی نك آلمانیایی سیاحتلرنده ترکلرک
مزبانی و فکرلرینی وطنداشلر مه طانتغه بیوک برواسطه اولدی ایسه ده
قدرت ، قابلیت و طبیعتکیزک فوق العاده لکنی کوروبده بالذات تصدیق
ایتدیرمک ایچون تأسف اولنور که شو وسیله دن همان پک آز شهرلر
مستفید اوله بلمشلردر .

اورو پالیرک شمدی یه قدر حقاری کزده ایتدیکی بر طاقم اساسسنر
مقایسات ايله کاذب حکملرک جمله سنی شمدی آسن شو طرابلس غرب
روزکاری سوپوروب آلدی کتوردی . یوزلرجه کتابلرک و نطقلرک
عالمه اعلان ایدم مدیکی بر حقیقتی ایشته بو محاربه میدانی اوستنده کی پرده نی
قالدیره رق بترن پارلاقلیله عالمه اظهار ایلدی .

المان غزته لرینک ترک مدیتی و ایتالیسا باربارلنی نامی نحتنده
طولیدر دقلری ستونلری بو کون هر کس کوریور و اوقیور . حتی
کلیمالریمزد بیه بابا لریمز « روما خرسیتیانلری جلدلق ایدیورلر »
دیه خسیات متفراندلرینی اهالی یه افشا و بونکله ده جلدلق محاربه دیمک
اولمیدیغنی آکلاتیورلر .

عثمانلی اسلام خواجهرلی . « صاقین حمایه من آلتنده و لنان او بیچاره
ایتالیانلردن انتقام آلق سوداسنه دوشمیکنز » دیه جامعلرده وعظ
ایدیورلر . هله او عثمانلی اسلام حربیه ناظری کوریلن فناغه عوض

اوله رق یته فئالقه مقابله اولیوب یارهیه مرهم اوررجه سینه انسانلغه یاقیشور بر معامله ایله مقابله اولمسی حقنده اوردولره اوامر اعطا ایدیور .

ترک کرک متاتی و مدبرلکی ممالک عثمانیه ده یشایان آلتش بیک ایتالیا نلره تعرض ایتدیرمیور . ایشته بونکله ده عثمانیلر تکمیل اورویای تسخیر ایتدیلر .

المان ضابطرینک تصدیقوله مصدق ، قلباً متدین ، صوک نفرینه وارنجیه قدر مقتدر و کال خشودیت و مسروریتله محاربه یه جان آنان او عثمانی عسکرلرینک دنیا ده اک یرنجی عسکر اولدقلرینی و شانلی شهرتلی نامنه فصل کسب استحقاق ایتدکله رینی شمدی هر کس بالذات مشاهده ایدیور . هله هریری برر مجسم قابلیت و استعداد دیمکه سزا اولان او رهبرلیله شمدی کرک عدداً و کرک فناً بالنسبه بک ایلروده بولنان برادر دوی فصل اجبار ایتدکله رینی ده کوریوروز .

ارنبودلقدن بکا مکتوب یازان بر سوار ی ضابطی دیورکه : « قهرمان سوار یلم ؛ او قانچق مقارونیاچی دشمنله کوس کوسه کلورده مردلکله رینی کوستره مدکارندن طولای حس ایتدکله رینی درونی آجیدن آغله غه باشلا یورلر . »

ای عسکر ! مرحبا !.. ایشته سن بو حالکله تکمیل اورویای ضبط ایتش بولنیورسک !

شمدی عثمانیلرک مشتاقانه و مفتونانه یکدیگرلرله برلشدکله رینی حتی عثمانی خانلرینک و قیزلرینک ییله تزیناقلرینه وارنجیه قدر وطن ایچون فدا ایتلرینی هر کس کوروب ایشیدییور . بو حاللرک تکمیلی بزم تخلیص حریت زمانده صاحب وطنلرکده باشندن کچمشدرکه ایشته او زماندن متنبه اوله رق ۱۸۷۰ تاریخنده او ادبسر زوربا تکمیل آلمانلری (هو هنرولار) ک خانه سنده برلشمکه بادی اولمش ایدی . ایشته شمدی ایتالیا نلرک شو شقیلکی عینی بزم کبی ممالک عثمانیه ده موجود ملتلرک جمله نی عثمانی سنجاغی آلتنده طوپالانلرینه مجبور ایدیور . بو حالده عمومه عائد اولان وطن ، متفرق صورتده بولمغه هوس ایدن بر طاقم فرقه لره تغلب ایدیور . بو ایسه بولتیقه نقطه نظرندن اورویای استیلا دیمکدر .

عثمانیلرک اک بیوک عالی پاشای بزم ۱۸۷۰ - ۱۸۷۱ سینه سی محاربه سنک وقوع بوله جغنی هان اولدن حس ایدرک بوندن پروسیا (آلمانیا) اوسترایا بر متفق اوله رق قازانه جغنی و بوندن ایسه باب عالی ایچون مذکور حکومتلر طرفندن بر حایه قرانه جغنی علناً بیان ایتش ایدی . واقعا سزده بویله اولدیغنی بیلیورسکیز . هر نه قدر بدایت مسئله دنبری بو اعتماد زائل اوله رق اک یرینه بر امنیتسزلک قائم اولدی ایسه ده عن قریب حقیقت میدانه جیقارق بونکده زائل اوله جغنی امید قطعی سنده ییم .

ایتالیا نلرک طرابلس غربی غصب ایتک نیت و فکرنده بولندقلرندن برلینک اصلاً خبردار اولمدیغنی محققدر . یالکیز لوندره و پارس بو کیفیتدن خبردار بولندقلرندن سارقه یتاقلق ایتمکه تولد ایده جک

مسؤولیت برلینه دکل ، طوغری بدن طوغری یه لوندره و پارسه راجعدر . حال حاضرده اوستریا و آلمانیا ک بالفائده کی آسایشک مختل اولامسی ایچون عثمانیلره بک بیوک یاردملری اولمشدر .

اوروپا دولتلری ایچروسنده یالکیز بر آلمانیا دولتیدرکه نه ممالک اسلامیه دن بر مملکت ضبط ونه ده بر قوم اسلامی ازمک فکرینه دوشمشدر ، بوده تاریخله مثبتدر . فاس مسئله سی دخی بونی مصرحاً تصدیق ایدر . فرانسه لرک فاسده کی معامله لرینی ایتالیا نلر تقلید یولنی تعقیب ایدیورلر . حال حاضرده روسلر اوتوز میایون اهالی اسلامیه نی ازمکده ، انکلیزلر ایسه یوز الی میایون اهل اسلام اسکان ایدن هند و مصر دن ماعدا اولجه عثمانی مستملکاتندن معدود اولان ، اطه و قبریس اطه لرینی غصب و بو کون عربستان ایله جزیره العربده منفعتپرستانه پلانلر ترتیب ایتدیجی جمله جه معلومدر . بونکچوندرکه تکمیل اهل اسلام ممالکینی غصب ایتش اولان اوروپا بکو متلری ترک کرک قوتلی اولمسی هیچ بر وقت آرزو ایتیلر . چونکه ترک کر قوتاشدیجی حالده ترکیانک خارجنده بولنان اسلاملری بر میقناطیس ایتش کبی جمله سی کندوسنه چکه جکینی بیلا کلرندن ترکیانک دائماً ضعیف بولندیغنی آرزو ایدرلر . آلمانلر ایسه ترکیانک مستقل و قوتلی و مالارینه و آنلرک بو مرتبه یه ارتقا ایده یلمه لرینه چالیشیور . کچن سنه المانلر ده بعض زرهیلرینی صائمق ایچون ایتدیجی تکلیفده انکلیزلرک خاطرینه رعایت ایتک ایچون رد ایدرک لوندیه سپارشاتده بولندیکنز . لکن بو کبرلرک تسلیمی ایچون ده بعض سنه لر بکلمه کز لازم کلدیکی جمله جه معلومدر . المان کیلری ایسه هان تسلیم اوله رق عینی اولکیر کبی هان مالکیز اوله جق و شمدی ده الکنزده هراسمه مهیا واستعماله صالح کیلر بولنه جق ایدی . همد ایتالیا نلره قارشو .

بغداد خطنک تمیدیغنی تعجیل ، عسکری بودجه سی قبول و بحریه کزی بریه کز درجه سینه ارتقا ایدیکنز ، او وقت ترکیا غیر قابل تعرض بر حاله کیرر . شو طرابلس غرب محاربه سی عثمانیلرک تعالیسی ایچون بر منفعت تأمین ایدیورکه ژاپون مسئله سنده اولدیغی کبی شمدی اطرافده بولنان سیرجیلر شو مسئله نک میدان تظاهره جیقاردیغی شیلری بالذات کندیلری ترک کردن تحصیله مجبور قاله جفلدر . انکلیز و ایتالیا نلر هلالی غروب حالنده تصور ایدوب بس بوتون کوزدن غائب اولدیغنی بکلمه مکده درلر . حالبوکه آلمانلر هلالی طلوع حالنده کورور و آنک عن قریب بدر حالنده ضیاسنی عالمه نشر ایده جکنه بک امیندرلر .

ای شانلی هلال ! یورو !.. یوکسل !.. تعقیب ایتدیکنک یولو ، بر قهرمان ارله رق قطع ایله !..

آنک ایچون سزی صادق بر دوست اوله رق تبریک و سلام عاجزانه مک قبول بیورلمسی رجا ایدرم ، یشاسون وطن !..

ارنست یه ک

استوتفارد